

登州府志



禮記



登州新志序

脩志之難昔人論之詳矣其疆邑之沿革地利之廢興民俗之轉移吏治之強弛典故名宦鄉賢忠孝節義畸人軼事之可傳者不詳則事不該而過詳則傷善不簡則要不舉而太簡則傷略舉

序

一

者大則見以為不勸小物忽羸豕地童牛而細故毛舉則謂之不知類玉粒澹遠之事或傳之而近誣不傳即去羊而亡禮正不獨文之不酌諸古不適用於是見秉筆之匪易也然人每謂創為難因非難不知因而至於不可因且能



以所因善所創則因之難有更信於  
創者登州郡志迄今百三十年至因  
之者矣縱使志切情明毅然有遠紹  
旁搜崇教埴風之雅意而周治僚佐  
既未必盡留心文獻即彼都人士向有  
得前人手錄者一二編亦祇抱踐守闕

序

二

而不免魯魚亥豕之訛於此以續纂  
成帙以任今而傳後也不恭維哉解果  
賈君筱樵由侍御出守是邦脩葺百  
廢亟起而力任之於邊崗羅故實增以  
百三十年事蹟於舊志亦復斟酌損  
益多所於衷三閱載而始成顏曰登



州新志予以餘披讀見其文省而事  
增且於表裏中寓善善惡惡之意  
誠有古宗子系之新唐書歐陽永叔  
之新五代史先正同撰者不禁喟然曰  
脩志難脩志尤難惟後樵太守獨  
任其難迺成此難能可貴之舉予

序

三

於難贊一詞之際妄綴數言願以  
守新土者毋畏難而苟安尔

光緒七年嘉平堂分守登萊青兵備道  
東海關監督樊輿方汝翼序并書





登州新志序

論著之文創作為難因事為易然因之而必有所損益則裁成釐定擬諸創作不得收事半之功昔者先聖以春秋為春秋筆削惟嚴群賢不能贊一辭今不備春秋之文徒猶見於三傳率詞

序

一

以揆其方視聖經所載筆誠不登泰山不出于陵波之旋刻者矣後世有述雖無敢望塵於先聖而如宋子京之新唐書事增而文減歐陽永叔之新五代史有善善惡惡之意皆自謂突過前人然至今四庫書目劉氏薛氏之書



亦後並著於錄蓋損益之難如此登州  
有志爲矣據其序言草創於愚山討  
論於亭林於按所編次覈其勗制似非  
二公雅意之所存也後政七任公續之  
因而無所損益又其後石安永公因之而  
惟益以新設二縣以迄於今百有三十年

序

二

所並無後有因之者矣今余來斯爰究  
爰度架閣塵封斷爛不屬並守尹之姓  
名其不存者十七八即以問吏莫知所對  
欲求其遺事而當時故老皆與在者  
則前此守土諸君有不得不任其責者  
矣余甚懼焉夫今不圖後後何親懷家



寤歎是余之責也夫是余之責也夫惟新是  
圖周咨十部牧令禮羅郡地鄉人士君子  
旁搜遠紹商權損益始於光緒己卯五  
月之朔訖於辛巳冬季脩飾潤色凡若  
千卷勒為新編雖不盡因施願之舊亦  
庶不戾於子京永年之遺意也予嘗謂

序

三

郡縣之志守土者固無以辭其責然吏  
從遠方來於茲土素無雅故惟鄉人士  
君子有篤念桑梓論著於錄者而後長  
吏有所因以藉手昔者先聖言夏殷之  
禮而愾歎於杞宋文獻之不足徵良有以  
也茲瀏覽所屬舊志多因此以成書者



章矣今茲之役求之不少概見何與夫留心文獻未可以責於俗吏而能以論著成書有資文獻者亦未可以望上於俗人彼其人已雅意著述矣類不樂與俗吏為周旋使出其所著投諸吏手鮮有不按劍以相眄者此其祕而不出也

序

四

固於吾無足恠今余為出役竊不敢自儕於末俗矣乃亦求之而不出豈郡地諸牧令猶有未能免俗者乎抑亦諸君子懲於曩之按劍遂病於獻玉者之再剛乎否則留意於文獻者寡而無後如昔日人士之盛也乎余甚感焉



伏願自今以往長民者皆不以俗吏自為  
而鄉人士君子亦有心樹文獻之望無  
使郡邑故事至於頽敗不可收拾焉將  
繼今而為茲役者得目以為損益庶  
幾事易以藏而大有裨於今茲之所不  
遠者矣則余今茲之役其即可以為前

序

五

車之鑿矣夫

光緒七年仲冬望日知登州府事翠  
岩賈瑚撰并書





原序

郡邑之志與國史相表裏書契以前尚已禹治水行九州始志山川土田物產爲禹貢其不具者見山海經或曰山海經非伯益作志怪者之所託也卒傳其書不廢周禮職方氏掌天下山川圖籍小史掌邦國之志外史掌四方之志其法寔備楚左史倚相能讀九邱之書列國名卿或多未見漢唐迄今書籍日繁乃有圖經輿地考及一統志諸書而郡縣亦各有志所以載山川稽戶口考政治得失人物高下而諛謠

增修登州府志

原序

一

俗之貞淫也其法與史近顧其事不隸乎史官書不獻乎天子作且修者率皆其郡國之人或務塗飾相夸耀摺拾蕪穢爲薦紳先生所難言志之法於是大壞去史益遠夫天下之地之事之人物其得聞於史官者鮮矣史官聞而能筆於書者鮮矣以一郡國之地之事之人物散見諸書而能貫穿於尺幅辨晰於俄頃者抑又鮮矣然則志雖與史遠其不可不存焉一也登州東極於海古萊牟國春秋之末爲齊東鄙風濤洶湧島嶼叅錯遼左朝鮮諸海舶乘迅風千里



不移時至至或掠殺得志輒颺去其地瘠而民貧貧則無固志多掠殺則難生聚登用是彫敝明末數十年變故屢作軍旅頻仍爰設御史中丞爲防撫而其勢潰決不可收拾肝腦塗地燃指析骸余嘗聞父老言兵變諸遺事未嘗不歎息出涕也其閒貞臣勇將義士烈女之駢死湮沒者可勝道哉天下之地不足恃恃乎其人劉寵太史慈登產也以清節烈行著於漢季後世過其里者有餘慕焉蘇軾知登州不旬日而條議鹽權所言皆利民至今祀之然則人材吏治

增修登州府志

原序

二

固非地所能限也登固有志燬於兵自泰昌至今闕遺且四十年司理王君購得寫本余深憇放失屬王君及郡守楊李二君先後網羅分任其地之賢者及期以書來屬草雖完攷訂未具適吳門顧甯人爲蒐閱校讐又三月而成今郡守徐君司理彭君始鳩工授梓成一郡文獻條目備矣其事變本末或缺有閒焉豈其闕疑耶君子觀於其書可以論其世矣卽其地其事其人物考政治而稽謠俗亦可得其槩矣若夫蓬萊三島蜃樓海市之觀神仙恍惚恠幻此固騷



人達士之遊目騁心臨風自得者非志所能盡也順  
治庚子春正月提督山東通省學政按察司僉事江  
左施閏章撰

善爲治者在審其急而先圖焉能裨軍國則爲之能  
益民生則爲之郡志之纂其亦不急之務宜在所緩  
乎顧余蒞登踰月輒詢舊志知爲兵燹湮燬前此諸  
臺及府若縣固常從事而未就緒夫郡志非所以裨  
益軍國民生曷爲諸臺及前之府若縣咸汲汲謀之  
適與余心合也今天下東西南朔聲教敷施一統之  
業視古尤盛獨是鯨波未靖來往憧憧尙塵

增修登州府志

原序

三

當亾之宵旰登州一郡三面洪濤屏翰

京師控引遼左扼東南衝突之要乃分土僅六百餘  
里而緣海之地自岬岵島口迤東至成山折而南至  
嘉鷄汪又折而西至東良海口環抱紆迴其閒衛所  
鑿堡綦布星羅者二百有奇計其里道一千二百有  
奇夫以區區之郡當彫瘵之餘非有富民足與保聚  
非有重兵足與防守非有高山深谿足與憑負乃可  
虞者若彼不可恃者若此使不勒成一書俾當事有



所取鑑不幾以地僻東隅無關要害而陰雨稠繆且  
置弗問也今試披攬圖籍極衝次衝應守者幾何登  
之兵弁足供捍禦否里甲保甲編戶者幾何登之生  
齒足供徭役否中地下地荒蕪者幾何登之占籍足  
供墾闢否存留積貯倉庫之蓄幾何脫遇緩急足備  
不虞否樓櫓斥堠修葺之費幾何脫遇頽圯有所取  
給否饑饉兵戈多歷年所甫離瘡痍雖勤撫字能遽  
復舊觀否且也島嶼不可無屯守郡邑不可無防衛  
援昔証今可因循苟簡否使當事者一深計之則兵  
壯渤海之金湯鞏畿甸之藩輔俾

增修登州府志

原序

四

在所必增備在所必飭餉在所必儲險隘在所必嚴  
流亡在所必撫賦役在所必矜饑寒在所必恤於以  
當亡釋宵旰之憂裨益軍國民生孰大於是至若宮  
觀物產風俗文章職官人物諸目亦備列之於以誌  
盛衰記形勝鑒得失考貞淫成一郡之全書而非諸  
臺及前之府若縣與余汲汲纂修所尙也會學憲施  
公編輯既定余遂商之闔屬付諸梓人以備當事者  
之取鑑云順治庚子秋七月知登州府事蘭陵徐可



先題

志者何志郡邑之迹也迹則何爲乎志迹爲昔之所已然不志之無以鑒前迹爲今之所旣然不志之無以啓後故志之也是故星野山海土田之不易沿革戶口風俗之屢更逮乎人物之盛衰吏治之得失典禮之大軼事之細莫不備志故曰志也何續乎續以完乎其志焉爾昔之迹昔志志之然闕而未載載而未詳詳而未核者往往而有則待乎增削今之迹昔志不及志之政令殊昔事例遵今則待乎纂入人情

增修登州府志

原序

五

異趣習俗異尙人材嗣起則待乎補綴而無以增削之纂入之補綴之則志不完故續之續之所以完乎其志也續之矣而不居作者之名一切因仍苟且共人生活則如勿續否則啓款釀浮否則取青媿白記一人而於其人有溢量記一事而於其事有縉旨使後之議今一如今之議昔則何以爲完書故續修之志較始修之志功等而倍難之余不敏來蒞茲土於郡志三致意焉初余筮仕謬讀中秘書未嘗司纂修之事敢自謂有著作才嘗從事芸閣諸君子後竊聞



之作史者矣不虛嫩不隱惡事必徵實意無苛刻甯直而信無文而僞夫郡邑之志郡邑之史也謂作志而有殊於作史乎哉爰偕郡之賢人君子尊吾所聞而釐定乎舊志詳覈參訂數易稿而事始竣蓋其慎也余用是有感焉登郡海環三面衛所而外州一縣七城在山間環境計里千有數百無規方五十里之平疇農力磽确斥鹵耳故凋敝困疲之形多豐亨豫大之象少蓋登之士瘠登之民貧登之賦繁而徭重是守土所急宜繪圖上告徐策治安者也與煩擾甯增修登州府志

原序

六

清靜也與操切甯息事也知弊而去之必盡毋狃已成而因循知利而興之必力毋憚易轍而遲迴加意作人則人才日以盛加意綏輯則子遺日以滋加意風尚則民俗日以淳變通宜民與時調劑期於盡善而後已余未之逮也雖然竊有志焉用以自勗且以告後之來蒞茲土者前有以鑒也後有以啓也法戒嚴而師資凜慎勿曰是志也迹焉已爾登郡幸甚是爲序康熙甲戌秋八月知登州府事鄺南任璿題周禮職方氏掌天下之圖辨其邦國都鄙人民與其



財用周知其利害勒爲成書歷代遞興史冊鱗次因  
革損益按籍可稽我

朝文教覃敷恩施廣被一道同風六服羣辟

聖天子念切民依繪圖

御座運星辰於掌上疇應雨暘列畛域於展閭功垂  
帶礪康熙甲寅年

詔修大清一統志寶籙輝煌爭光日月掌之太史秘  
閣流芳雍正七年

世宗憲皇帝復

增修登州府志

原序

七

詔增修一統志及各省通志煌哉鉅典布之遐邇無  
不同軌同文矣凡在州牧侯伯凜遵風化仰沐

鴻休若非簪筆之臣不敢漫爲記載然民風土俗燥  
濕隨時疆域官司增除異制膺茲土者漫不經心倘  
一旦輶軒策問太史巡風車轍所周郡縣茫無以應  
則重負我

皇上勤求民隱之心隕越良深栗栗危懼

泰奉

恩綸調任登郡蒞事三月考閱前志學臣江左施創  
於順治庚子郡守任璿續於康熙甲戌雖規模大備



然歷年久遠殘缺頗多登雖僻處海濱而近日之民風土俗隆隆日上所當博採老成遐稽典籍彙輯成編以備

顧問集中條目皆仿前格增闕補遺並續甲戌以後之聞見覽山川形勝凜然有青齊屏翰之思披賦役井疆殷然有靈雨桑田之意攷學校而思作人驗民情而懷保又前人宦績何以克紹芳徽古蹟彫零奚以振興聳聵凡皆守土所有事秦不鄙荒陋公餘之下搜羅成帙分類爲門務期十州邑之雲山風物彙

增修登州府志

原序

八

於尺牘之間而億萬姓之悲戚懽愉蒼於几筵之地憶昨歲秦之守辰州也地處苗荒與今之海疆相等秦蒞任後百務未遑亟修郡志前之考訂與今之編輯同一夙興夜寐毋曠厥官之意而如日莫爲之前雖美勿彰莫爲之後雖盛勿傳秦竊凜凜不敢自居於述者矣是爲序乾隆七年歲次壬戌六月望後五日知登州事三韓永泰石安氏題



督修

二品銜

分守山東登萊青等處地方整飭海防兼管驛傳水利事務兵備道東海關監督

方汝翼

特用道登州府知府前翰林院編修

賈瑚

監修

登州府海防同知前兵部主事

吳毓麟

同知銜署蓬萊縣知縣現署黃縣知縣

王朝毅

同知銜署蓬萊縣知縣

江瑞采

同知銜署黃縣知縣

秦浩然

同知銜黃縣知縣

吳業豐

增修登州府志

同知銜署福山縣知縣

汪麗金

同知銜署棲霞縣知縣

黃麗中

同知銜棲霞縣知縣

許桂芬

知府用招遠縣知縣

張履祥

五品銜署萊陽縣知縣

茅方廉

同知銜署萊陽縣知縣

嚴品鈞

同知銜署寧海州知州

崔嘉桓

運同銜寧海州知州

孫愷元

知州銜候補知縣署寧海州知州

傅淦



五品銜文登縣知縣 蘇杰  
直隸州用榮成縣知縣 孫符乾  
同知銜署榮成縣知縣 徐立言  
同知銜海陽縣知縣 王敬勳  
知州用署海陽縣知縣 程廷杓  
五品銜登州府儒學教授 王 獲  
光祿寺署正銜登州府儒學訓導 陳官懋  
光祿寺署正銜蓬萊縣儒學教諭 張繹武  
翰林院孔目銜蓬萊縣儒學訓導 張還午

增修登州府志

二

黃縣儒學教諭 尹肇爽  
黃縣儒學訓導 高 鉷  
光祿寺署正銜福山縣儒學教諭 劉雲隨  
福山縣儒學訓導 楊清華  
棲霞縣儒學教諭 王德馨  
光祿寺署正銜棲霞縣儒學訓導 于如川  
棲霞縣儒學訓導 李守坦  
招遠縣儒學教諭 劉蘊山  
招遠縣儒學教諭 李傳會



招遠縣儒學訓導 朱符

萊陽縣儒學教諭 張夢麟

萊陽縣儒學教諭 趙思沅

翰林院孔目銜萊陽縣儒學訓導 趙學傳

寧海州儒學學正 任廷璽

寧海州儒學訓導 胡餘慶

五品銜文登縣儒學教諭兼署訓導 馬維楷

光祿寺署正銜榮成縣儒學教諭 陳鴻飛

署榮成縣儒學教諭 崔贊襄

增修登州府志

三

六品銜海陽縣儒學教諭 李芳園

總纂

翰林院庶吉士禮部祠祭司主事候選員外郎 周悅讓

翰林院編修 記名御史 慕榮幹

分纂分校

戶部候補郎中 山西司行走 王爾植

知府用 河南禹州知州 宮國勳

揀選 知縣 沙兆洽

卽用 知縣 孫殿甲



歲貢生 候選 訓導 吳樂天

拔貢 生 孫同慶

六品銜增貢生 試用 訓導 劉寅忠

廩生 葛梓楫

廩生 盧恩紹

採訪

蓬萊縣

歲貢 生 李丕森

廩生 沙肇京

增修登州府志

四

廩生 丁維戊

增 生 張煥韶

附 生 湯志孝

附 生 倪乃健

黃縣

副貢 生 內閣 中書 王守訓

舉人 前平陰縣 訓導 趙瀛海

福山縣

歲貢 生 候選 訓導 王鴻燮



附

貢

生

鹿夔長

附

監

生

王啟樾

附

生

安瀾

附

生

王世昕

棲霞縣

候

選

巡

檢

于京溪

湖

南

候

補

巡

檢

郝聯芬

附

生

米芝庭

招遠縣

增修登州府志

五

恩

貢

生

王任遠

廩

生

李然

萊陽縣

舉人同知銜候選知縣署莒州訓導

趙鍾儒

舉

人

沈人桂

貢

生

趙鍾嶸

貢

生

于隆麒

附

生

張勳樞

寧海州



候 選 訓 導 常文淵

廩 生 孔廣鏊

廩 生 曲日詠

文登縣

知府 銜 候 選 同 知 王 沛

廩 貢 生 舉 保 孝 廉 方 正 畢 世 基

監 生 州 同 銜 金 聿 灝

附 生 呂 汝 舟

榮成縣

增修登州府志 六

恩 貢 生 洪 克 明

副 貢 生 胡 錫 珊

廩 生 鞠 俊 升

增 生 孫 膺 昶

海陽縣

舉 人 姜 式 甫

附 生 五 品 封 翰 林 院 待 詔 鞠 守 忠

六 品 銜 河 南 儘 先 補 用 闡 官 李 爾 梅

副 貢 生 于 培 基



歲

貢

生

王兆騰

增修登州府志

七



增修登州府志凡例

一登州舊志修自康熙甲戌續志修自乾隆壬戌迄今百四十年案牘殘缺各州縣志近時重修者尚可援證如福山萊陽二志歷時既久文獻無徵采訪寥寥挂十一於千百疏漏之譏知不免已

一舊志條目煩碎體裁頗疏此次修志只立八目而以子目分類相從意本之周禮職方

一登州疆域歷代不同今修府志自宜以建府之年爲始明以前事蹟人物足備掌故者皆列於各目

增修登州府志

凡例

一

之首以資考證

一登州分野入危入胃言人人殊今惟就北極出地度數核之又天文與地理相符卽以幅員道里附之於後

一登州僻處海濱歷代沿革舊志多牽混今就正史所紀參以元和志寰宇記齊乘諸書及各家考訂確實者斟酌列之

一舊志有封建一條按漢時候封就國者少魏晉以降率領虛號今俱不錄



一登州山多而水少古書所紀山名今有不知爲何  
山者各州縣志所紀諸水有云入某縣界而某縣  
并無此水者有今古異名者有舊志相沿而誤者  
皆詳加考核以求其實

一登州原屬海疆島嶼口岸所關甚鉅然大半與陸  
地相連今分列各屬山川之未考海防者可以參  
觀

一舊志所載古蹟甚繁附會既多又往往近在百年  
以內甚且以故家園亭仙釋碑碣強爲附麗尤屬

增修登州府志

凡例

二

猥襍今擇其要者皆爲考訂以期傳信其餘或附  
著各條下或徑刪之蓋自明以來皆得謂之古也  
一冠婚喪祭各屬風俗大略相同舊志獨不載祭禮  
疏矣今爲補列以著土風顧禮儀日趨於簡便其  
有昔存今廢者亦備書之以爲餼羊之思又士習  
民業固所宜詳至於歲時瑣屑比閭相沿田家月  
令亦王政所不廢也并附於後

一舊志物產紀及龍芻方竹未免好奇今所紀者必  
其地所產否則不書



一舊志城池并及各衛所今於其存者紀之餘俱附其名於軍壘中

一龍亭爲朝賀之地所宜紀也禮儀亦典制所關并附於後

一舊志所載公署有其官已裁猶詳列其廢址者今俱刪而附著於職官中

一倉廩儲穀皆關民生各項公所皆關治體并附於公署後

一學校爲人材始基今於歷代從祀姓氏皆詳列之

增修登州府志

凡例

三

以昭慎重至名宦鄉賢忠義孝弟等祠所祀者亦備書其名而其事蹟則仍詳職官選舉中

一廟壇祀典綦重凡頒發祭文諸神封號皆據會典及公牘一一詳紀其各家祠宇有官致祭者并列附於後

一登州建鎮後營制始定紀軍壘當自建鎮始而舊志獨不紀總鎮未免疏略今特補之以著一時規制至歷代兵制不同并列於前

一海防水陸并重自水師改歸撫標與陸營分矣紀



之以見今昔異宜

一舊志所紀兵事過於簡略今據諸書所紀及公牘申報者詳列顛末可以覘時變矣

一登州驛傳裁併惟黃縣一僻驛耳而各屬里甲夫馬亦有專條今紀現例以鋪遞附之

一寺觀無足重輕而田閒報賽由來已久又深山幽谷點綴風景亦例所不廢故并列之至各志所紀仙釋多臚其幻化則近於語怪今略識梗概附之寺觀從其類也

增修登州府志

九例

四

一橋梁有禱於民亦政體也今并紀其修造姓氏

一鄉都屢有更易今據公牘書之舊志所載則附注之城鄉坊市并附於後

一戶口爲人丁之易名并紀其人丁總數以誌舊制續登者以光緒年爲額

一地丁徵解留支均照賦役全書以著現例而耗羨亦要款也并附之

一襍稅有定額而釐局則權宜之計今行之已久并附於後



一登州鹽法久有定制或有弗便得良有司爲之變通民甚賴之今將成案附之於後以紀善政

一登州爲海運必徑之路歷代運道皆詳著之其潮信風色亦當事者所宜知也并附於後

一水旱豐饑民命繫焉今特附之食貨之末祥孽事同水旱亦附錄之

一歷代職官多文武兼轄職任不一統列於前固宜卽自明中葉以來設官甚衆今亦列於知府之前榮成海陽未建縣前各巡檢應隸何縣者仍附其

增修登州府志

凡例

五

縣以符體例

一登州職官自乾隆初至嘉慶末案牘多缺今博采諸書略紀一二餘則不可考矣

一自明以來有其官已裁而姓氏可考者皆錄之卽其人不可考亦列其官名以備體制

一各官履任年分舊志所載多與各處碑記不符知其錯誤甚多今俱改政其不可知者則仍之

一舊志職官惟書年任而其政績則別爲一條今仿史例各於名下係小傳惟現任各官雖有德政一



概不書

一明時登州武職甚多至國初猶未定制統列於登州鎮前鎮標在登屬者四營水師未改屬時亦舊部也今各紀其官至守備止紀其各汎千把總則詳各州縣志而仍列其官名以備體制登榮水師營并附於後

一明時養兵專屬衛所後始有營將舊志於各衛指揮等官一概不載未免過略今分類紀之登州寧海二衛州縣志皆不載亦細爲考核存其制惟同增修登州府志

九例

六

知僉事統名指揮不可考者不能強爲區別皆錄於指揮使內存疑可也其餘四衛各縣志亦不甚詳有可知者亦爲補入

一各衛指揮千戶等官有應武科者選舉中并載其名而仍詳各衛內以昭畫一

一職官選舉中有正史立傳者節其大概其餘亦略載數語以歸簡要

一選舉專紀人材與科名錄不同其已見進士者舉人中卽不復載餘可類推其例貢例監有出仕者



列之文秩否則不錄不勝紀也

一科目中有家於此縣而籍於彼縣者必注其籍其本身寄籍外省者亦錄之若通籍後始移居鄰邑則注明移某處至其子孫雖用原籍亦歸之彼縣重土著也

一各衛附於州縣應舉而其原籍不可沒也必爲注明至廩生有由衛學出貢者此衛廩生有由彼衛出貢者原一時冒濫今知爲何縣何衛人皆歸之本籍

增修登州府志

凡例

七

一明時遼東復州衛亦附登州應試而舊志僅載一人今刪之

一歷代人材并列於前榮成海陽未建縣前仍錄於原屬州縣中其無年分可稽者則仍本縣不敢臆斷也

一捐職必京官入署行走外官分發到省者始錄入其捐銜榮身或已捐職而未經驗看者皆不書如有事實可紀仍附著於後至捐納封贈則詳各州縣志



一行誼有關風教文學足備觀摩武勇有裨時事者分附於文武職後其或家庭細故推解微恩醫卜方伎書畫未藝則詳各州縣志

一著作行誼必其人已歿始載之否則不敢濫登大雅君子尚其諒之

一有科目官秩而殉難者皆詳本名下忠節內卽不復載惟諸生及捐銜等始錄入忠節亦獨行傳之意也

一節婦烈婦有與夫家不同邑者皆以夫家爲斷其

增修登州府志

凡例

八

有嫁外省外府者則仍列入本縣中貞女烈女已至夫家守貞及殉節者亦如之惟舊牘多訛複名者衆又不叙年次先後不乏舛錯也其已符例而未旌者皆載之以備將來采訪

一各州縣志有壽婦賢媛等條今擇其事蹟特異者附其夫其子名下餘俱不錄以府志與州縣志不同體裁所限不能纖悉畢具也

一舊志有流寓一條今於其有關係者分詳各目內餘俱不載



一藝文爲不朽之業登州自明中葉以後人材輩出著作宏富此次修志廣徵博訪鉅細畢至凡其書已寓目者仿諸史例詳載其名附以論斷期垂諸久遠以備輜軒之采其未經瀏覽而夙知其名者并附於選舉以存其目

一金石可資考證者甚多列爲金石著錄餘爲存目  
一概從略

一志中引舊府志稱舊志續府志稱續志各屬有舊志者稱某舊志山東通志或稱山東通志或祇稱

增修登州府志

凡例

九

通志鄭漁仲通志則稱鄭氏通志以別之其餘引證各書不復稱其姓氏

一舊志紀事有沿用古名者如知府曰守知縣曰令推官曰司李判官曰別駕之類今悉改正各從其時制

一志中事實有詳於前者後雖徵引不復再詳以免重複參觀當自得之



小序

域民不以封疆之界固國不以山谿之險誠哉是言也然申畫郊圻慎固封守明著于尚書何哉孟子所云王者御世之大畧也畢命所云乃有官守法之常經也承平之世境有甌脫長吏每互相推諉而鬼蜮每以遁其跡地有阻隘官私皆不爲豫防而豕蛇或以抵其巖郡邑之多事由於此者比比矣守土者加之意焉其亦觀風而知好惡未雨而先綢繆也夫述

疆域志

增修登州府志

一

嘗閱舊志公署一篇何今昔物力之盈絀人事之修廢大有逕庭耶故事郡縣均有察院布政分司按察分司處所其規模亦與治所無殊蓋爾時直指按部兩司之參副在分守巡者悉同行守土者備豫歲事不得不謹故也今巡方不行其官署處所皆不知所在于而地方印官所居或敝陋不足以安寢息偶有營建至無所得隙地豈非功令嚴則事無不集因循久卽功無由興乎舉茲一端亦可以見矣述營建志府境闔屬皆山禪海環其外境以內無五十里之平



壤食貨所資惟田農拙業而地狹人稠不足以更費其山民務繭絲海民競魚鹽時有贏餘而險阻備嘗焉若夫操末業走四方者多營末富危得危失官不能代爲謀卽民亦莫適自爲宰也然田旣陜矣而又分肥於煙草穀已儉矣而又多糜以酒醪此生計所以日蹙也誠使長民者殷爲化誘空山之莽蕩悉闢爲蠶叢列肆之煙醪頗征其龍斷物力庶可以稍贏民財亦或以稍謹矣述食貨志

太史公作六國表曰秦旣得意燒天下詩書諸侯史增修登州府志

二

記尤甚詩書所以復見者多藏人家而史記獨藏周室以故滅惜哉惜哉余述府志於職官之不屬而歎之夫職官之籍上自部院下迨治署其任罷歲月籍貫姓字宜無不厯厯可稽而架閣漏蠹府史偷竊浸淫潰爛其禍幾埒於秦火某今爲此編將徧發闔屬散諸人家使各有所藏弄同於詩書庶他日求舊聞者不至於無復見也是某之微意也夫述職官志

孔叢書紀魯人有同歲上計者問服於季彥季彥曰上計者並覲天子有交燕之歡同盟締素云云所謂



同歲上計卽今之同舉進士也同盟綿素卽今年齒錄職官錄耳後漢書董卓傳注王邑字文都北地涇陽人鎮北將軍見同歲名云云卽此書也則選舉之有私志自漢以來其不獨登之天府也久矣今郡縣志皆輯爲一冊在治郡者視其所屬部歷年之久近得士之多寡可以考其文教之修廢因而施以鏃礪各屬覩茲冊者可以互相鏃礪亦可以各自爲鏃礪於以振興士風其亦可有小補也已述選舉志

老子曰六親不和有孝慈然則忠節云者亦人生不增修登州府志

三

幸乃始傳於此名耳而世人每矜重之 國家亦舉而表彰之者非徒矜其不幸也誠如其人旣以忠節自完矣卽使其畢生無不幸之遭亦必孝弟忠信不涉於犯亂可知是重其不幸者亦以爲幸生者愧厲云爾况遭元二百六之會蹈義而死者尤足以見秉彝之貞良徵 聖澤之淪浹也乎述忠節志

讀古人書而不留意于論著此擣搗塗抹之俗學不知有學者也讀古人書而專用意于論著此穿鑿傳會之僻學有害于學者也二者交譏而僻學多稱于



世焉夫論著不外于作述古之學者先有作而後有述今之學者必能述然後能作何也作者惟經史爲然經自先聖而後無敢擬史非承制不得修其有論著者不過自居于述則有作者惟子與史而已二者異名而同實大抵爲議論叙事兩端議論述乎經叙事述乎史自漢以後凡有所謂作者又皆述前人之所述而已矣而非有所得於經史者必無以自儕于作者之林今所著錄壹以此爲斷以經史子集次其目凡擄摭以增修登州府志

四

爲論著及所論著之有害于學者皆斷而棄之不復存焉述藝文志

登州金石之刻莫古于秦之罘刻石而至于今不知石之所在並其拓本亦無復有見之者矣次惟文登嶗山漢建初石刻爲見在而初不聞于世至乾隆中始有人見其刻文者亦不辨爲何許石也蓋登人之留意于金石者屢矣余惟金石之敝由于人不知者併之四五而由于人知者什常八九夫其無知于世而掘爲鷹翔之白科焚于嶗山之野火固已不可勝



道若見知于世則近者日事羶樾遠者轉相購致土人齎以爲人事上官索以爲方物所在居人困于供億禾隴苦其蹂躪有椎而碎之委之于壑已爾此石罌所爲雖有存者寡也永志末卷曰始皇東遊成山有相斯篆秦東門天盡頭訟獄公所石刻民投于海有能知其地者復而致之文臺拓摹旣易亦不擾民云云事雖于古未聞然如其所言亦保存古刻之雅意矣述金石志

辛巳秋季郡士以科試麇集有齋修志採訪事件投增修登州府志

五

局者惟時志已開雕無從屈屐爰檢所錄呈有爲志中所未備者悉依本書類例分條著錄爲補遺卷一以彌全書之闕有爲志注中之餘語者初無當於損益且已備見於前諸志故不復條分而蒼翠爲補遺卷二以嘉郡士之塵



增修登州府志圖

一府城圖

一備倭城圖

一府境圖

一蓬萊縣境圖

一黃縣境圖

一福山縣境圖

一棲霞縣境圖

一招遠縣境圖


一萊陽縣境圖

一寧海州境圖


一文登縣境圖

一榮成縣境圖

一海陽縣境圖










至北



東至海四百九十里



府州萊至南







海至北

里一



東北至蓬萊縣界二十里

東至蓬萊縣界二十里

東南至棲霞縣界四十里

西北至海四十里

西至黃縣界四十里


西南至黃縣界五十里

五



里十七界縣





東北至寧海州界三十里

東至寧海州界二十五里

東南至寧海州界六十里

西北至海三十里

西至招遠縣界六十里

西南至招遠縣界三十里



里十四界縣















縣界十五里



西北至萊州府即墨縣界百里 西至萊州府平度州界一百里 西南至萊州府即墨縣界百里

東北至文登縣界六十里 東至文登縣界五十里

東南至文登縣界一百五十里



海寧

海百里







至北


里十九



西北至寧海州界五十五里

西至寧海州界六十里

西南至寧海州界六十里



一海至南

里十二



星十海

灘沙

島鳴雞

口埠灶

灘石文

口陽朝

縣成榮

寨泉温

山豆

山鳳

山埠黃

城夜不

口家張

溝落石

井眼龍

集竹林

甕璃琉

口文百

頂蹟古

山仙羣

文登界

山青

口黃杏

集頭崖

山半

集山斥

震山斥

集家滕

島石

里十四百

西北至文登縣界七十里

西至文登縣界六十里

西南至文登縣界七十里

東北至寧海州界五十里

東至寧海州界九十里

東南至寧海州界九十里

十三

界縣霞棲至北

崖石黃

石黃

寧神童廟  
赴寧海大路

占家亦

馬家莊

路大登文赴

交界碑

水井子

夏村

山極無

山崗柔

山龍藏

小龍寺

界溝

家侯

龍口石

島猪母

白沙灘

島家宮

島腰

黃島砲台

海陽所

島青

島花棉

島黃

島竹

南島

草島嘴  
鶉鴿嵐

島里千

綠豆嘴

至南







增修登州府志目錄

序文姓氏凡例  
輿圖列在卷前

疆域志

卷之一星野附道里

卷之二沿革

卷之三山川

卷之四古蹟

卷之五物產

卷之六風俗

營建志

增修登州府志目錄

卷之七城池

卷之八龍亭

卷之九公署附倉廩

卷之十學校祀典附書院試院附

卷之十一廟壇祀典附

卷之十二軍壘公所附

卷之十三海防兵事附

卷之十四驛傳

卷之十五寺觀仙釋附



卷之十六橋梁

食貨志

卷之十七鄉都坊市附

卷之十八戶口

卷之十九地丁耗羨附

卷之二十雜稅

卷之二十一鹽法

卷之二十二海運

卷之二十三水旱豐饑祥孽附

增修登州府志

目錄

二

職官志

卷之二十四前秩

卷之二十五文秩一

卷之二十六文秩二

卷之二十七文秩三

卷之二十八文秩四

卷之二十九文秩五

卷之三十文秩六

卷之三十一文秩七



卷之三十二文秩八

卷之三十三文秩九

卷之三十四文秩十

卷之三十五文秩十一

卷之三十六武秩上

卷之三十七武秩下

選舉志

卷之三十八薦辟

卷之三十九進士

增修登州府志

目錄

三

卷之四十舉人

卷之四十一貢生

卷之四十二恩賜

卷之四十三文職

卷之四十四武進士

卷之四十五武舉

卷之四十六武職

卷之四十七封贈

卷之四十八廕襲



忠節志

卷之四十九忠上

卷之五十忠下

卷之五十一節一

卷之五十二節二

卷之五十三節三

卷之五十四節四

卷之五十五節五

卷之五十六節六

增修登州府志

目錄

四

卷之五十七節七

卷之五十八節八

卷之五十九節九

卷之六十節十

藝文志

卷之六十一經部

卷之六十二史部

卷之六十三子部

卷之六十四集部



金石志

卷之六十五金石上 著錄

卷之六十六金石下 存目

卷之六十七坊

卷之六十八補遺上

卷之六十九補遺下

增修登州府志 目錄



增修登州府志卷之一

疆域

星野

漢書曰齊地虛危之分野東有淄川東萊瑯邪高密膠東南有泰山城陽北有千乘清河以南渤海之高樂高城重合陽信西有濟南平原皆齊分也

春秋運斗樞曰虛危之精流爲青州分爲齊國立爲萊山

晉書曰東萊入危九度

增修登州府志

卷一

星野

一

新唐書曰須女虛危玄枵也初須女五度終危十二度其分野自濟北東踰濟水涉平陰至於山荏循岱嶽衆山之陰東南及高密又東盡萊夷之地得漢北海千乘淄川濟南齊郡及平原渤海九河故道之南濱于碣石古齊紀祝涑于萊譚寒及斟尋有過有鬲蒲姑氏之國其地得姬訾之下流自濟東達于河外故其象著爲天津絕雲漢之陽宋天文志曰虛二星距南星去極一百度半危三星距南星去極九十六度



元史曰登州北極出地三十八度

明史曰登州府寧海州皆危分

前志稱青齊子危分故昔皆以萊牟屬之按青州東距萊牟千里細查晉天文志高密入婁一度城陽入婁九度膠東入胃一度則平度以北皆屬胃分近天環爲金星變曜主兵入胃一度伏膠州卽有海變其明驗也今詳訂之 蓬萊入胃十二度

天廩之上第一星入十二度四十分第二星入十二度八十分昴宿卷舌之第六星入十二度九十

增修登州府志

卷一

星野

二

分天船之第五星入十二度半紫微垣八穀下數第三星入胃十二度半畢宿天園之西十一星入胃十二度 黃縣入胃十一度胃宿天廩之下末一星入十一度二十分大陵之上第二星入十一度半 福山棲霞兩縣共入胃十三度昴宿卷舌之上第一星入十三度一分最末一星入十三度九十分 招遠入胃十度紫微垣少衛入十度昴宿卷舌之下第五星入十度本宿天廩之下第三星入十度六十分畢宿天園之西十二星入十度半



第十三星入十度 萊陽入胃之八度九度宿下  
天困之東一星入八度三十分宿上天軀自西數  
第四星入八度四十分昴宿天陰西數第二星下  
數第二星俱入九度天苑星上自西數第五星入  
九度半 寧海入胃十四度昴宿天苑自下西數  
第五星入十四度紫微垣八穀自下數中兩星俱  
入胃十四度四十分天苑上西數第四星入十四  
度半 文登入胃十五度屬畢宿天園西數第十  
星紫微垣八穀下數第二星入胃十五度半 順治庚子

增修登州府志

卷一

星野

三

知府徐可先修

周官保章分星之說昔之儒者罕能明之惟唐一行雲漢山河之論頗爲近理登距古齊國六百里而遙以山川脈絡言之屬危爲近而或以爲入胃者蓋泥于晉天文志而不知其書之多謬容齋洪氏所謂蔽於天而不知地者也若夫唐帝之命官宅嵎夷而寅賓出日乃自古記之矣 康熙甲戌知府任濟修

山東一省屬青屬齊兼徐之北境與豫之東境漢志所載角亢氐分兗州房心分豫州虛危分青州



奎婁胃分徐州又漢班固志自須女八度至危十五度爲元枵於辰在子齊之分野屬青州又春秋運斗樞曰虛危之精流爲青州分爲齊國立爲萊山又晉書曰東萊入危九度登郡自晉以前俱稱青州部南宋以後則稱東萊然則登固萊郡也萊屬青州考登郡者自當以虛危爲準又通志所載州郡躔次總名曰虛危屬齊青州分之則爲齊郡入虛六度北海郡入虛九度濟南郡入危一度樂安郡入危四度東萊郡入危九度平原郡入危十

增修登州府志

卷一

星野

四

一度淄川國入危十四度此青州之分野也又總名曰奎婁胃魯徐州分之則爲東海郡入奎一度瑯邪郡入奎六度高密國入婁一度城陽國入婁九度膠東國入婁一度此徐州之分野也今欲析郡而縣則當攷本境之漢縣故址辨其屬於何郡而析裁之或爲專屬之疆或爲交錯之壤視縣得郡視郡得星歸於一致矣 蓬萊縣曰黃曰牟平曰愷東萊郡入危九度 黃縣曰黃曰愷曰徐鄉東萊郡入危九度 福山縣曰臚曰牟平屬東萊



郡入危九度。棲霞縣曰臚曰牟平屬東萊郡入危九度。招遠縣曰掖曰曲城屬東萊郡入危九度。萊陽縣曰昌陽屬東萊郡入危九度曰長廣屬瑯邪郡入奎六度曰挺曰觀陽曰鄒盧屬膠東郡入婁一度。寧海州曰臚曰育黎屬東萊郡入危九度。文登縣曰東牟曰不夜屬東萊郡入危九度。榮成縣曰不夜屬東萊郡入危九度。海陽縣曰昌陽屬東萊郡入危九度曰觀陽屬膠東國入婁一度。按漢志所載虛危分青州今以登

增修登州府志

卷一

星野

五

郡屬邑考野分星則有危而無虛晉書所言東萊入危九度無疑矣蓬萊黃福山棲霞招遠寧海文登榮成俱屬東萊郡同爲入危九度此所謂專屬之疆也惟萊陽入危九度又入奎六度又入婁一度海陽入危九度又入婁一度此所謂交錯之壤也然則登州一郡屬青之三而分徐之一也

乾隆壬戌

知府永泰修

按分野之說見於周禮保章氏而不傳其法今可攷者惟左氏內外傳然周分因武王克商之年晉



分因文公卽位之日彗入北斗而應宋齊晉三國  
星孛大辰而應宋衛陳鄭四邦自奎至參屬白虎  
七宿而降婁乃爲魯分自井至軫屬朱雀七宿而  
井鬼乃爲秦分吳越應星紀而喜忌各殊周楚應  
鳥帑而殃咎如一蓋歷代天官家已難言矣登州  
分野有入胃入危二說主人胃者因膠東入胃之  
說發之主人危者因齊地主虛危之說推之十屬  
志乘主人胃者少而主人危者多第念天上躔次  
由大火而析木由大梁而實沈由娵訾而降婁星

必毗連地亦應接次續志稱蓬萊等九屬皆入危  
九度惟萊陽曰昌陽屬東萊入危九度曰長廣屬  
琅邪入奎六度曰挺曰觀陽曰鄒盧屬膠東入婁  
一度攷萊陽南北不足二三百里焉能占據度數若  
是之多伏讀

御製數理精蘊專就太陽出沒北極高下赤道黃道  
經緯測量至歲差之法冬至入箕入尾但就目前  
所見者紀之盡掃歷代分野之陋今謹就大清會  
典輿地圖并參以益陽胡文忠公所輯之大清中



外一統輿圖摘出登州十屬北極出地度數與京師中線度數詳列於後蓬萊海中北隍城島南隍城島小欽島大欽島鼉磯島高山島侯雞島大竹島小竹島俱北極出地三十八度屬南半度蓬萊海中沙磨島長山島廟島小黑山島大黑山島自丹崖山以南至巨山黃水河黃縣之桑島岬巖島南至萊山西南至北馬集黃山司招遠之界河口福山之煙臺之采島寧海之栲栳島崆峒島櫛子島養馬島戲山口金山口文登之威海司雙島劉

公島衣島俱北極出地三十七度屬北半度自黃縣之廬山至招遠季山官兒山馬鞍山分水嶺至黃滕曠以北棲霞之艾山清洋河鉅齒山靈山方山至萊陽城北福山城東寧海州之龍門港辛安河崑崙山南至大孤山南黃集及乳山河之上流文榮二邑東至成山頭養魚池俚島青魚灘倭島佳雞旺尋山所龍池崖南至滕家集高村木渚河它頭集北至海驢島雞鳴島朝陽口百尺崖長峯口羊亭集酒館集俱北極出地三十七度屬南半



度自榮成之寧津所陸地西行斥山寨石島司馬  
頭觜文登鐵槎山靖海司蘇門島長會口五里島  
姚山頭寧海之浪煖口海陽之海陽所南泓口棉  
花島乳山寨徐家口丁字觜口土埠島昌山行村  
司萊陽之魯家口香島五龍河迎駕山姜山集俱  
北極出地三十六度屬北半度凡此以上皆南北  
度也至於東西度京師順天府爲中度自蓬萊北  
海中廟島大小黑山島登岸由赤山至崗山棲邑  
之蠶山招遠之羅山至萊陽之志霞山迎駕山以

西盡黃招界俱屬東四度自蓬萊北海中南北隍  
城島鼉磯島高山島長山島由丹崖山至文峯頂  
平山猴山羽山棲霞之艾山方山至萊陽城西之  
西大河以東福山海陽至寧海州城俱屬東五度  
自寧海州北海中櫛子島登岸至崑崙山黃壘河  
至海陽界之海陽所南泓曠大小竹島以東盡文  
榮二邑界俱屬東六度惟成山頭入東七度凡此  
以上皆東西度也又續山東考古錄北極高度分  
與去赤道度分同蓬萊三十七度四十八分十秒



黃縣三十七度三十八分三十秒福山三十七度  
三十三分五十秒棲霞三十七度十八分三十秒  
招遠三十七度二十二分萊陽三十七度寧海三  
十七度二十五分文登三十七度十一分四十秒  
榮成三十七度二十五分海陽三十六度三十八  
分黃招東四度蓬棲福萊海東五度寧海居五度  
六度之界文登榮成東六度成山頭入東七度其  
說亦相同故并列之

光緒辛巳知  
府賈瑚增修



道里 附

登州府東至海四百九十里南至萊州府卽墨縣界  
四百里西至萊州府掖縣界一百五十里北至海  
一里至北隍城島二百四十里接奉天界由海道  
至奉天旅順口約六百里至蓋州套約千餘里自  
府治至京師一千八百六十里至省城九百二十  
里東西廣六百四十里南北袤六百四十一里

蓬萊縣 附郭 東至福山縣界九十里 至縣治一百四十里 西至黃

縣界四十里 至縣治六十里 南至棲霞縣界七十里 至縣治一

增修登州府志 卷一 道里 十

百五 北至海一里至北隍城島二百四十里東南

至福山縣界一百十里東北至福山縣界九十里

西南至黃縣界五十里西北至海四十里廣一百

三十里袤三百一十一里

黃縣在府西南六十里東至蓬萊縣界二十里 至縣治六十

里 西至招遠縣界六十里 至縣治一百一十里 南至招遠縣

界四十里北至海二十里東南至棲霞縣界四十

里 至縣治一百一十里 東北至蓬萊縣界二十里西南至招遠

縣界三十里西北至海三十里廣八十里袤六十



里

福山縣在府東一百四十里東至寧海州界二十五

里至州治七十五里西至蓬萊縣界五十里至縣治一百四十里南

至棲霞縣界六十里至縣治一百二十里北至海一十五里

東南至寧海州界六十里東北至寧海州界三十

里西南至棲霞縣界四十里西北至蓬萊縣界六

十里廣七十五里袤七十五里

棲霞縣在府東南一百五十里東至寧海州界一百

一十里至州治一百九十里西至招遠縣界五十里至縣治一百里

增修登州府志卷一 道里 士

南至萊陽縣界五十里至縣治一百里北至蓬萊縣界八

十里至縣治一百五十里東南至海陽縣界七十里至縣治一百九

里至縣治一百二十里東北至福山縣界八十里至縣治一百二十里西南至招

遠縣界七十里西北至黃縣界六十里至縣治一百里廣

一百六十里袤一百三十里

招遠縣在府西南一百五十里東至棲霞縣界五十

里至縣治一百里西至萊州府掖縣界六十里南至萊陽

縣界六十里至縣治一百一十里北至黃縣界五十里至縣治一百一

十里至縣治一百一十里東南至萊陽縣界五十里東北至黃縣界四



十里西南至掖縣界六十里西北至海五十里廣一百一十里表一百一十里

萊陽縣在府南二百五十里東至海陽縣界六十里

至縣治一百四十里西至萊州府平度州界一百一十里南

至海一百里北至棲霞縣界五十里至縣治一百里東南

至海陽縣界六十里東北至棲霞縣界五十里西

南至萊州府卽墨縣界一百里西北至萊州府掖

縣界一百一十里廣一百七十里表一百五十里

寧海州在府東二百二十里東至文登縣界五十里

增修登州府志 卷一 道里 十三

至縣治一百一十里西至福山縣界五十五里至縣治七十五里南

至海一百五十里北至海十里東南至文登縣界

一百五十里東北至文登縣界六十里西南至海

陽縣界一百八十里至縣治一百九十里西北至福山縣界

六十里廣一百五里表一百六十里

文登縣在府東南三百四十里東至榮成縣界六十

里至縣治一百二十里西至寧海州界六十里至州治一百一十里南

至海一百二十里北至海九十里東南至榮成縣界五十里東北至榮成縣界六十里西南至寧海



州界六十里西北至寧海州界五十五里廣一百二十里袤二百一十里

榮成縣在府東四百六十里東至海三十里西至文

登縣界六十里

至縣治一百二十里

南至海一百四十里北

至海十里東南至海一百五十里東北至海五里西南至文登縣界七十里西北至文登縣界七十里廣九十里袤一百五十里

海陽縣在府南三百八十里東至寧海州界九十里

至州治一百九十里

西至萊陽縣界八十里

至縣治一百四十里

南至

增修登州府志

卷一

道里

十三

海二里北至棲霞縣界一百二十里

至縣治一百九十里東

南至寧海州界九十里東北至寧海州界五十里西南至萊陽縣界八十里西北至萊陽縣界一百一十里廣一百七十里袤一百二十二里



